



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Capvt II.

urn:nbn:de:hbz:466:1-42790

CHRONICON

BREVISSIMUM DE SANCTIS BELGII.



Erùm ea quæ temporū confusione latius digesta sunt, per tēporum successiōne breuiter recapitulare placuit, vt ex compendiosa subsequentiū lectiōne, Belgarum ecclesiasticus status agnosci possit, potissimum quo ad initia & incrementa.

CAPVT I.

Tungri igitur, inter Belgarum populos primi, vsque ad Treuirorum fines habitauerunt. *Tungri.* Quare mirum non est, si decem sancti episcopi Treuirenses, recenseantur vsque ad Seruatium, etiam Tungrenses episcopi, hoc videlicet ordine, Maternus, discipulus sancti Petri, Nautus, Marcellus, Metropolis, Seuerinus, Florentius, Martinus, Maximinus, & Valētinus. Qualis autem sub his episcopis fuerit Tungrorum in fide Catholica status, ad nos non peruēnit.

Sanctus Martinus inter hos specialiter celebratur Hasbanorum Apostolus, cuius obitus ponitur anno ducentesimo septuagesimo sexto. *Hasbani.*

CAPVT II.

Diocletianus imperator est appellatus anno ducētesimo octuagesimo quarto; imperauit annis viginti, & collegam imperij assumpsit Maximianum, anno ducētesimo octuagesimo sexto. Sub horū grauisima in Christianos persecutiōne, nonnulli

nonnulli è Roma, ob fidei prædicationem, Gallias adièrunt, vt Quintinus, Crispinus, Crispinianus, Lucianus, Fuscianus, Victoricus, Regulus, Piatas, Chrysolius, & alij. Ex his Fuscianus & Victoricus Christum prædicauerunt Ambianis & Morinis, postmodum Ambianis glorioso martyrio coronati, vt plærque alij alijs in locis, per Rictio-uarum Galliarum præsidem.

Morini.

Tornacenses.

Piatas vero & Chrysolius Tornacum Christi nomen atque Euangelium attulerunt, idemque martyrio obfignarunt, Piatas sepultus Siclinij apud Tornacum: Chrysolius, Cominij ad Lisam.

CAPVT III.

Constantinus imperator appellatur anno trecentesimo sexto, imperat annis triginta & vno. Sub hoc imperatore, cessante persecutione paganorum, vnica Arii Alexandrini scintilla, orbem Christianum populata est. Quam pestilentissimam & diuturnam hæresim, innumera mala concomitabantur.

Floruit post mortem Constantini sanctissimus Seruatius, primus Tungrorum proprius episcopus, qui contra Euphratem pseudoepiscopum Arianum, sententiam protulit in Concilio Agrippino: qui que Arimini non cessit minis & terribulis Arianorum, sed contra eos fidei professiones edidit.

*i. Belgarum
vastatio
per Vandalos &
Hunnos.*

Idem vir sanctissimus, cum rumor esset Vandalos & Hunnos in Gallias velle prorumpere, ieiunijs & vigilijs vacans, & crebro lachrymarum imbrepersusus, Dominum precabatur, ne vnquam gentem